

# CANTIK NÉVEZ

ANN HÉNOR

## DA SANT PHILIBERT PARREZ MOLENN

A éled euz ar baradoz, oll spéréjou euruz,  
C'hu pardonnérien dévot, tud leun a feiz nerzuz  
Unanit ganomp ho mouez da veul Sant Philipert  
A neuz bet digant Doué grasou braz peb amzer.

### DISKAN

Sant Philibert benniget, c'hui a bedon Doué  
Evidomp, hag évit Bréiz, évit ho pugalé.

O va Doué benniget, mé a choulen ho krasz,  
Evit m'a hellinn meuli d'an holl bihan ha bras  
Ar vertuziou burzuduz heuillaz Sant Philibert,  
Ma Kavimp skuer ha kentel ó histor hé vué.

Sant Philibert benniget, a énoromp hiriou.  
Ni ho ped gant caranté, clévit hor gouleñnou,  
Ra récévo zigénoc'h hoc'h oll bardonnérien  
Ar grassou hervez Doué a zeuont da c'houlen.

Dréist-oll ar vugaligou zo sempl ha goan ganet  
E kals a andréyon a vé d'ezhan-gwestlet,  
Ha Doué a ro iéc'hed d'ar vugaligou sé  
Pa teuont ha galon vad da veuli Sant Philibert

Ama e parrez Molenn ni o beuz hé chapel  
Trugarez d'hon tadou koz o deuz gret hé zével;  
Savet da Sant Philibert évit hé énori,  
Deut éta, breudeur kristen, a galon d'her pédi

Béza n'euz dirak Doué ar mémes galhoud c'hoaz  
Da barât ar c'hlenvejou, d'ober miraklou bras;  
Mes gonlenomp da genta a greis hors c'halonou  
Ar c'hrass da garout ar Zant, da heuil hé vertuziou

Klaskomp ével ar Zant-ma heuill bolonté Doué  
Ha kuzet hor vertuziou dré an humilité,  
Tec'homp euz an dangériou ha pedom anezhà  
Dreisi pep tra war hor maro da zont d'hon assista

Kreiz kémet a énoriou, hé galon oa bédred  
Distag euz ar vanité, mamen euz ar pec'hct.  
An humilité guirion na gar ket énoriou  
Sant Philibert a glaské kusa hé vertuziou.

Ar pélerin neur velet an tour santel a bell  
A zalud var hé zaoulin ar groaz evz hé chapel  
Eur chapéled en hé zorn a ra procession,  
Goudé ez ia d'ar feunteun n'eur bédi a galon

Dour ar feunteun ker brudet en deux galloud meurbed  
De brézervi pep hini euz goalheur ha clenved;  
Pedomp éta Sant Philibert var zouar ha oar vor  
A zo carget déiz-ha-noz gant Doué d'hor zicour.

Kerzit Bréizis, ma breudeur, kerzit en han Doué  
Da chapel Sant Philipeit it ta heb digaré;  
Da béder zul ha viz eost dévez ar pardon bras  
C'houi o pézo diganthan grasou ha grasou c'hoas

Var hon daoulin Sant Philibert ho pédomp molennis  
Ni hag ar ré glasc zicour génoc'h en ho Iliz;  
Kendalc'hit, patron caret, da skuilll ho pénoziou  
Ken stank ha ma couez ar gliz d'an haon var an déliou.

### DISKAN

Sant Philibert benniget, c'hui a bedou Doué  
Evidomp, hag évit Bréiz, évit ho pugalé.

# CHANSON NÉVEZ

*Var sujet ur Bassujerez hac un Den yaouanq.*

## VAR UN TON NÉVEZ.

PELEC'H it-hu, passajeres, gant ho paner vian.  
D'en em risqua var ar mor evelse oc'h unan ?  
Ho pizach hac ho qenet zo quer caer, quer brillant  
Evel an eol benniguet a zo er firmamant.

Ha rac se ta, Isabel, va douç, va c'harante,  
Va ambarqit en ho pag, ma zin ganec'h ive ;  
Va brassa contantamant ha va flijadurez  
Eo beza ganec'h var ar mor o naviga assambles.

Petra eo ar c'homzou ze oc'h eus lavaret din,  
A ya bete va c'halon hac a ra anvi din ?  
C'houi, marteze, zo deut evit va godissa.  
Pe evit clasq ar feçon da ellout va zrompla.

Me zo ur plac'hit yaouanq, oajet a bemzec vla :  
Hac ameus calz da zioual n'arufe ganen netra,  
Rac calz demeus a blac'het a meus guelet tromplet  
O tonet da re fiout e comzou ar voaset.

C'houi eo certen ar fleuren eus an nevez amzer  
A blich sûr d'an dud yaouanq partout dre arc'harter ;  
Mes m'am be-me ar boneur da veza d'ho fantazi,  
Me en om gafe eurus certen dreist pepini.

Me a zo un den yaouanq a gar beza secret,  
N'e bet biscoas em sonch da c'hadissa merc'het ;  
M'allan antren en ho eraç hac en hoc'h amitie,  
Me ho caro, va mestrez, gant peb fidelite.

An nep a zeu re vuan da gredi d'ar voaset,  
Lies plac'h a zo tromplet siouas eus o c'hlevet !  
N'en deo quet avoalc'h caret hep beza anavezet,  
Rac ar voaset so tromplus ha traitour d'ar merc'het.

Ur plac'h e deus ar maleur da goll a honor,  
A deu d'offanci Doue ha casset gant an oll ;

Mes divezat voar neuze da zonet da ouela :  
An enor pa ve collet n'eller qet da brena.

Ne qet vit coll hoc'h enor nac ho virginité  
Emeus-me, plac'hic yaouanq, qemeret liberte  
Da zont da c'houlen ouzoc'h ha c'houi vije contant  
Da zonet d'am ambarqi bars en ho patimant.

Mar rit din-me an enor da vont er vativant,  
Var ben nebeut a amzer ni vo hon daou contant ;  
Ni labouro nos ha de qen a vezimp rentet  
Bars er plac, va mestrezic, oc'h eus dessin monet.

Avancit ta, den yaouanq ha deut em batimant,  
Rac demeus ho proposiou en em gavan contant ;  
Ho talant hac ho fecon hac ho comzou charmant  
Ha laqa em c'halonic calz a gontantamant.

Benigomp ar moment caer eus hon ambarqamant  
Me ho car, va zervicher, gant ur galon ardant,  
Hac am bezo evidoc'h pep seurt fidelite ;  
Biqen dec'h-hu ne vanqan qeit ha ma vin em bue

Eleal, va mestrezic, n'hoc'h eus netra collet,  
Me ho caro sur ive gant enor ha respect,  
Hac am bezo evidoc'h ar memes carante  
A oufac'h caout evidon bete fin va bue.

Poent e demp, va mestrezic, lezel hont discoursiou  
Ha commanda renvaat da vont trezec hor bro,  
Hac eno, pa vimp rentet, e vezimp assuret,  
Rac ar maro a zo traitour, fiout ennan n'eller qet.

Rac-se eta, tud yaouanq qent eguet finissa,  
Deut oll ta d'en em garout vel ma re an daou ma.  
Hae ho pezo plijadur an eil gant eguale  
Mar bevit brao assambles dre ur guir garante.